

# CBETA電子佛典集成

---

CBETA Chinese Electronic Tripitaka Collection  
ebook

X01n0010

## 大明仁孝皇后夢感 佛說第一希有大功 德經

# 目次

- [編輯說明](#)
- [章節目次](#)
  - [No. 10-A 大明仁孝皇后夢感佛說第一希有大功德經序](#)
  - [大明仁孝皇后夢感佛說第一希有大功德經](#)
  - [No. 10-B 大明仁孝皇后夢感佛說第一希有大功德經後序](#)
  - [No. 10-C 大明仁孝皇后夢感佛說第一希有大功德經後序](#)
  - [No. 10-D 大明仁孝皇后夢感佛說第一希有大功德經後序](#)
- [卷目次](#)
  - 1
  - 2
- [贊助資訊](#)

## 編輯說明

- 本電子書以「CBETA 電子佛典集成 Version 2023.Q1」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 [service@cbeta.org](mailto:service@cbeta.org) 回報。
- 版權所有，歡迎自由流通，但禁止營利使用。

## No. 10-A 大明仁孝皇后夢感佛說第一希有大功德經序

洪武三十一年春正月朔旦。吾焚香靜坐閣中。閱古經典心神凝定。忽有紫金光聚彌滿四周。恍惚若睡夢。見觀世音菩薩於光中現。大悲像足躡千葉寶蓮華。手持七寶數珠。在吾前行。吾不覺乘翠雲輶張。五色寶蓋珠旛寶幢紛陳前迎。飄飄悠揚莫知所底。少焉行至一門。高敞弘麗非人間有。黃金題額。曰耆闍崛境。入門羣山環擁翠色凝黛。蒼崖丹壁巉然峭削。嵌巖嵌峯參差嶮巖。一溪縈迴盤繞山麓。沿溪曲折數十餘里。溪流澄湛泓渟寒碧洞見毫髮。瓊華瑤草芝蘭芙蕖。牡丹芍藥荼蘼麗春含滋發暉。路漸窮轉度一橋。城以青金玻瓈[王\*車]瑯白玉。有屋數十楹覆于橋上。沉香為柱栴檀為梁。彩色繪畫極其華美。上榜曰。般若之橋。黃金大書。橋長數十丈其高稱是。度橋紆折數十里。遙見三峯靚秀屹立相向上摩雲霄。樹林蒼蔚煙霞掩映。樓殿隱隱迥出林杪。更行數里許復見一門。其上題金字曰。耆闍崛第一道場。入門布路皆瑠璃黃金珊瑚瑪瑙裸諸寶貝。叢篁茂樹枝葉繁盛。婀娜敷榮葳蕤蔽蔭。異葩奇卉穠豔焯約芬芳條暢。嘉果美實殷紅青紫的爍下垂。孔雀鸚鵡鸕鷀鴻鵠飛舞鏘鳴。復有異鳥音作梵聲清韻相和。路傍有廣池。湧出五色千葉蓮華。大如車輪香氣淳淳。其下有鳧鷖鴈鴛鴦鷗鷺鷓鴣鸚鵡鷓鴣游泳翱翔。漸至山半有羣女。衣襍綵繒衣分列兩行。前乘旛幢後列鼓吹。法樂具奏韶鈞鏗鈞。青獅白象蹁蹁率舞。香華童子金盤綵籃。參獻徘徊。上至山頂。觀世音導吾升七寶蓮臺。臺上宮殿巍峩廊廡深邃。層樓疊閣萬戶千門。金碧輝煌華彩鮮麗。雕甍繡闥珠拱鏤楹。寶窗玲瓏寶網幕歷。闌干柱礎皆羅眾寶。種種寶華粧飾絢麗。纓絡旛幢璫璣錯落。天華輕盈乍墜乍揚。異香馥郁熏蒸播溢。寶光凝聚煜然炫爛成百千色。遠覽太空浩無端倪。俯凌例景羣山在下。觀茲勝妙歎未曾有。吾自念。德本菲薄積何善因而得至此。觀世音微笑而言。此佛說法菩提場。經恒河沙俱胝劫。無有能至者。惟契如來

道者。方得登此。后妃德稟至善。夙證菩提妙登正覺。然今將遇大難。特為接引以脫塵勞。如來常說第一希有大功德經。為諸經之冠。可以消弭眾災。誦持一年精意不懈。可得須陀洹果。二年得斯陀含果。三年得阿那含果。四年得阿羅漢果。五年成菩薩道。六年得成佛果。世人福德淺薄。歷劫未聞。后妃將為天下母。福器深厚覺性圓明。妙堪付囑。以拔濟生靈。乃以淨餅甘露水起灌吾頂。但覺心身清涼萬慮俱寂。憶念明了無所遺忘。遂出經一卷。令吾隨口誦之。即第一希有大功德經也。吾誦一徧大義麤通。誦二徧了然開悟。三徧記憶無遺。觀世音言。後十年更相會對。吾猶若有所言。吾聳耳而聽。忽聞宮中人聲遽焉警寤。且喜且異。悚然歎曰。此夢何其神耶。亟取筆札書所授經呪。不遺一字。但覺口有異香。閣中香氣縹緲七日不散。天雨空華三日乃止。由是日夜持誦是經不輟。三十二年秋難果作皇上提兵禦侮于外。城中數受危困。吾持誦是經益力恬無怖畏皇上承天地眷佑神明協相。荷皇考太祖高皇帝皇妣孝慈高皇后盛德大福之所垂蔭。三十五年平定禍難。奠安宗社撫臨大統。吾正位中宮。揆德薄能鮮弗勝贊助。深惟昔日夢感佛說第一希有大功德經。一字一句皆具實理。奧義微妙不可思議。蓋曠劫來人未得聞。佛以慈悲濟度。顯示密因有待其時。三藏十二部之玄言。無非所以開羣迷而宣正教。今不敢自祕。用鋟梓廣施。為濟苦之津梁覺途之捷徑。作廣大方便利益世間。夫道不遠人。人自離道。有志於學佛者。誠能於斯究竟妙旨。則心融萬法了悟真乘。超般若於剎那。取泥洹於彈指。脫離凡塵即登正覺。姑述為序翼贊流通。以示妙道於無窮焉。

永樂元年正月初八日

No. 10

大明仁孝皇后夢感佛說第一希有大功德經卷上

如是我聞。一時佛在舍婆提城阿蘭若菩提場。與大菩薩摩訶薩十萬人俱。其名曰觀世音菩薩。文殊師利菩薩。金剛手菩薩等。及諸大比丘萬八千人。皆是無漏大阿羅漢。其名曰阿若憍陳如。舍利弗。大目犍連。須菩提。阿難等為上首。俱會佛所。時聚種種寶華清淨摩尼寶珠極妙莊嚴。七寶為幢光明顯耀。眾寶羅網香華纓絡周而垂布。宮殿樓閣階砌戶牖。皆擁妙寶暉燄瑩麗。如來敷宴於五色寶蓮華師子寶座。頂放百寶微妙光。其光晃曜如瑠璃懸映寶月。有百千萬億色。流灌會中諸大菩薩及阿羅漢頂。林木華卉交光相映。瓊枝碧榦金英翠葉扶疎光茂。一時十方微塵國土悉皆充滿。成七寶色合成一界。異佛剎來皆會佛所。時諸大菩薩摩訶薩。無量三昧游戲神通。放種種光明灌如來頂。一切眾生承佛威力。徧見十方盡虛空際。於是舍利弗在大眾中。即從座起頂禮佛足。右繞三匝偏袒右肩。恭敬合掌而白佛言。大悲世尊。我恒經阿僧祇劫來。心獲清淨從佛化生。宣說因緣悟無心際。願為勝會諸眾。開方便門顯第一希有義諦。云何見如來清淨妙淨明心。本妙圓妙明心。寶覺圓明真妙淨心。妙明無上菩提淨圓真心。云何見如來精妙明性。常住不動周圓妙真如性。真精妙覺明性。無上菩提妙明淨性。云何一切法空無二。云何超出塵勞離世間相。及諸三摩提無上乘妙修行路。顯示真常永離諸幻。唯願慈悲饒益。廣發奧義開悟羣惑。令一切安樂具足充滿。永俾未來世諸眾生求如來道者不墮邪見。作是語已五體投地。如是三請咨決心疑。爾時佛告舍利弗言。善哉善哉。舍利弗。今汝為大眾及末世未來眾生深求佛道。汝等諦聽諦聽。諸眾奉教合掌恭聽。佛言。世人執妄迷真惑亂顛倒。斷離圓照畢竟無明。視東惑西觀南眩北。了無所定。唯性自性不見寂靜不離妄想。覺元本覺及覺所覺。遠離未明不斷惑智起斷常見。諸相相續流注變滅。牽於緣見以成緣慮。見前空華浮雲水月。夢幻燄影妄想虛偽不離自心。纏繞諸迷如揚塵求淨。乃只見塵何由有淨。若剗石為舟焉可濟涉。壓沙取油終無所得。真如種子為妄所翳。自無始來誠堪憐愍。我今開示眾生見諸真實。遠離虛妄顛倒究竟清淨。若彼清淨即普清淨。

圓照淨覺永斷無明。空一切相離一切根量。無有妄緣亦無有夢幻燄影。無有無無。隨順淨覺。虛空常寂無起滅知見。應如是觀。應無所住而生清淨心。以如實見得清淨故。是名第一希有。佛言。世人欲識如來心性。是心性者。我不獨有。眾生皆具。唯性自性本根妄想自心分別。迷常住真心。失真空淨性。空塵浮漚起滅無從。譬諸闇室開隙見明。以物窒空明復何見。緣見因明闇成何見。則諸闇相永不能昏。隔垣聞聲有聲為聞無聲無聞。非聞無性音聲動靜。聞為有無聲無無滅聲有非生。夢舂擊鼓聞常真實。識如來心唯常住故。識如來性唯不動故。離彼前塵性有分別。即見真心本妙圓心元明心妙妙明心元。諸法所生唯心所見。諸心所說皆為非心。是名為心。知心無心無心無取。無動無住無有起作。無有彼此。心無邊際不見處所。是至如來性覺妙明本覺明妙。即明無明明無明盡。顯隱無相根理寂滅決定性故。不一不異不斷不常。不出不入不生不滅。非空不空無空不空。由性明心性明圓故。因明發性性妄見生。以妄顯真妄真同妄。若著想者即生想著。緣心觸妄寶覺心滅。真性離空圓明性壞。種種心生種種心滅。種種性識種種性壞。五陰六入是諸虛妄。和合因緣應亦如是。七大圓融本無生滅。周徧法界隨應知量。妄想自性從緣相生。妄本不生無妄可息。舍離妄心淨心清白。觀本性相理自滿足。生因妄有滅因生成。無生無滅無滅寂滅。生滅俱滅本生不生心常空寂。空寂無住乃是無生。離和合緣及不和合。銷六亡一覺明圓妙。當知如是精覺妙明非因非緣。亦非自然非不自然。無非不非無是不是。離一切相即一切法即非一切法。如來非法亦非非法。一切法空一切性相空。是空無性非染非淨。諸說法相即非法相。是名法相如實相。無有顛倒不動不退不轉。如虛空無所有性。一切語言道斷無實無虛。不生不出不起無名無相。有相非相實無所有。無量無邊無礙無障。諸滅礙滅。無礙滅者超無礙境。無願無我無生無二。離自性相是為不取。決絕生滅以守真常。常光融明現前不息。根塵識心二俱銷落。寂然息機諸幻無性。云何所住妙信純真。真信明了憶念無遺。習氣發化純真精進。智慧精純何有妄習。

智明寂湛妙體常凝。由定光明深入無退。交接十方道合如來。覺明相對妙影互映。心光既獲永安妙靜。自然不動隨往如意。由信趨住依行濟願。躡跡十地漸次增進。超賢入聖證等妙覺。非諸自得必假修習。圓滿三行漸成非頓。離欲去愛不作思慮不亂本心。無思慮故諸識安寂。寂靜守空即見真道。遠離陰界入心因緣和合所作。生住滅妄想虛偽。唯心直進觀察乃至始終地位。入妙奢摩他三摩禪那。到自覺聖趣攝心名戒。定由戒生慧因定發是為無漏。如是獲寂常心性離生住滅見。得無生法忍出世間上上。我今示汝等常住心性。汝等恒見華開草茁。恒見枯落乃復開茁。枯落者變不變者存。是諸空相無有生滅。覺心空性不壞不動。圓覺妙心幻依以生。依幻求覺覺亦為幻。云有覺者幻猶未離。云覺無覺即同於幻。若諸幻滅是名不動。遠離幻境離離幻心。遠離亦離即離亦遣乃無所離。諸幻永除幻身幻心幻塵同滅。幻滅亦滅非幻不滅。圓滿菩提不生滅性。清淨本心本覺常住。圓覺清淨顯發圓明。如泥沙澄淨清水瑩徹。雲開霧斂青天自見。如鏡去垢體自圓明。一切性無性。以無性故空。空故無相。無相故無作。無作故無求。無求故無願。但覺自心現量妄想不生。安隱快樂眾生堅持禁戒。恒體如來平等。本際畢竟無有幻心。無有名相。無有生滅。得菩提涅槃真如佛性菴摩羅識空如來藏大圓鏡智。當得十方清淨。盡未來際心性普照。寂滅不二成無上正覺。爾時舍利弗及諸大眾。聞佛開悟得未曾有。皆大歡喜即說偈讚佛。

妙覺不動如來尊	開悟有情善調伏
河沙世界普應供	智無不周正徧知
三乘雖已得三明	千日光輝明行足
無量智慧稱善逝	世間解超出世間
諸法諸眾無上士	調御丈夫廣慈悲
隨教化度天人師	佛陀世尊薄伽梵
海潮法音悉徧布	剎那十方總聽聞
誓以正法覺羣迷	永斷一切顛倒想
常住真實不虛妄	是為淨性妙明心
我今於此獲圓融	超出一門寂滅海

佛告舍利弗。是名為第一希有大功德修多羅了義。我嘗於過去劫然燈佛所授記成佛。若善男子善女人。獲聞此勝義與我了無差異。我今成一圓融清淨寶覺。說無邊祕密神呪。

唵捺謨發葛斡諦卜囉你牙(二合)叭囉密答耶唵捺答的答亦驪識亦驪  
識必捺顏必捺顏捺謨發葛斡諦卜囉當卜囉諦以驪諦以驪諦密驪諦密  
驪諦述驪諦述驪諦兀識驪兀識驪補于耶補于耶莎訶

唵捺謨發葛斡諦卜囉(二合)倪牙(二合)巴囉密達爺答的牙(二合)塔唵提  
赫哩(二合)釋哩(二合)述嚕(二合)諦思梅哩(二合)諦扶諦尾撈宜莎訶

唵捺謨發葛斡諦薩哩斡(二合)都兒葛(二合)的巴哩束塔捺囉撈耶答塔  
葛達耶阿囉(二合)曷諦三藐三勃塔耶答的牙(二合)塔唵束塔尼束塔尼  
薩哩斡(二合)巴鉢月束塔尼說提月說提薩哩斡(二合)葛哩麻(二合)阿斡  
囉捺月說提莎訶

唵啞麻囉尼即彎諦耶莎訶

唵捺謨發葛斡諦啞巴囉密達藹由而倪牙(二合)捺速必尼釋哲(二合)達  
諦足囉撈耶答塔葛達耶啞囉曷諦三藐三勃塔耶達的牙(二合)塔唵卜  
尼卜尼馬曷卜尼啞巴囉密達卜尼啞巴囉密達藹由而卜尼倪牙(二合)  
捺三發嚕巴即諦唵薩哩斡(二合)三斯葛哩巴哩述塔塔哩麻(二合)諦葛  
葛捺三日忒葛(二合)諦莎發斡月述提馬曷捺耶巴哩斡哩莎訶

大明仁孝皇后夢感佛說第一希有大功德經卷上

## 音釋

閤

(感入聲)。

駢

(并駢二音)。

黛

(音大)。

嵌

(音謙)。

嶽

(音欽)。

峯

(音銀)。

嶠

(音節)。

嶧

(音葉)。

城

(音戚)。

靚

(音淨)。

屹

(倪入聲)。

婀娜

(阿那二字)。

葳

(音威)。

焯

(音綽)。

鷓

(音交)。

鶻

(音精)。

鉤

(音轟)。

纂

(音密)。

璿璣

(旋几二字)。

剝

(音枯)。

茁

(側滑切)。

捺

(音納)。

月

(音必)。

藹

(音愛)。

糅

(音糀)。

遙

(其述切)。

大明仁孝皇后夢感佛說第一希有大功德經卷下

爾時尊勝佛母。及救度佛母。沙幹哩佛母。聞說是經及神呪功德不可思議。即從座起合掌恭敬而白佛言。我速疾勇猛能除怖畏。能授諸勝義殊勝威光。照見三世施精勤行得超彼岸。能攝無餘諸藥叉眾於他加行摧壞一切自身熾盛。鎮世攝伏度脫有情。現勝妙光普徧喜悅。能破七險能消災禍令離諸怨。能動三處能滅諸毒能解鬪諍。善除瘟疫善靜威力種種具足。願施此力護持經教。於世間眾生作種種方便。永得皈依佛道不入輪迴。於是尊勝佛母。及救度佛母沙幹哩佛母。各說無量大陀羅尼神呪曰。

唵[口\*普]隆(二合)莎訶唵捺謨發葛幹諦薩哩幹(二合)得囉(二合)盧迦卜囉(二合)諦月涉瑟吒(二合)耶勃塔耶爹捺麻達的牙(二合)塔唵[口\*普]隆(二合)[口\*普]隆(二合)[口\*普]隆(二合)杓訛(二合)塔耶杓訛(二合)塔耶月杓訛(二合)塔耶月杓訛(二合)塔耶啞薩麻薩蠻達阿幹發薩思葩(二合)囉拿葛諦葛葛拿娑發幹月述提啞撇羶[口/(午-干+尤)/貝](則干切)都[牟\*含](謨含切)薩哩幹(二合)答塔葛達蘇葛答瓦囉幹撈拿阿密哩(二合)達啞撇釋該兒(二合)馬曷木得囉(二合)蠻特囉(二合)叭[(口@企-止)/木](得該切)阿曷囉阿曷囉馬麻藹由而(二合)傘塔囉尼杓訛(二合)塔耶杓訛(二合)塔耶月杓訛(二合)塔耶月杓訛(二合)塔耶葛葛拿娑發幹月述提烏失(二合)尼沙月撈耶巴哩述鍊薩曷思囉(二合)囉思迷(二合)傘租爹敵薩哩幹(二合)答塔葛達阿幹嚕結尼[煞-(烈-列)+山](音煞)吒(二合)巴囉密達巴哩卜囉尼薩哩幹(二合)答塔葛達麻諦達攝蒲密卜囉(二合)牒瑟吒(二合)諦薩哩幹(二合)答塔葛達赫哩(二合)達耶阿牒瑟吒(二合)拿阿牒瑟吒(二合)諦木得哩(二合)木得哩(二合)馬曷木得哩(二合)幹資囉(二合)葛耶三葛達拿叭哩述鍊薩哩幹(二合)葛哩麻(二合)阿幹囉拿月述鍊卜囉(二合)牒聶幹兒達(二合)耶馬麻藹由而(二合)月述提薩哩幹(二合)答塔葛達薩麻耶阿牒瑟吒(二合)拿阿牒瑟吒(二合)諦唵摩尼摩尼馬曷摩尼月摩尼月摩尼馬曷月摩尼麻諦麻諦馬曷麻諦

麻麻諦莎麻諦答塔達蒲達戈遣(之依切)巴哩述提月思蒲吒卜鍊述鍊希  
希拶耶拶耶月拶耶月拶耶思麻(二合)囉思麻(二合)囉思葩(二合)囉思葩  
(二合)囉思葩(二合)囉耶思葩(二合)囉耶薩哩幹(二合)勃塔阿牒瑟吒(二  
合)拿阿牒瑟吒(二合)諦述鍊述鍊卜鍊卜鍊幹資哩(二合)幹資哩(二合)  
馬曷幹資哩(二合)莎幹資哩(二合)幹資囉(二合)葛兒(二合)毗拶耶葛兒  
(二合)毗月拶耶葛兒(二合)毗幹資囉(二合)[友- 又+((套- 大)- 云)](即戈  
切)辣葛兒(二合)毗幹資嚕(二合)忒葩微幹資囉(二合)三葩微幹資囉(二  
合)幹資哩尼幹資嚕(二合)發幹都馬麻攝哩嚕薩哩幹(二合)薩埵喃拶葛  
耶巴哩述提發幹都薩埵彌薩哩幹(二合)葛諦巴哩述提釋哲(二合)薩哩  
幹(二合)答塔葛達釋哲(二合)[牟\*(企- 止+舌)](謨合切)薩麻刷薩顏都  
卜鍊卜鍊悉鍊悉鍊勃塔耶勃塔耶月勃塔耶月勃塔耶謨拶耶謨拶耶月  
謨拶耶月謨拶耶杓訛(二合)塔耶杓訛(二合)塔耶月杓訛(二合)塔耶月杓  
訛(二合)塔耶薩蠻答謨拶耶謨拶耶薩蠻答囉思密(二合)巴哩述提薩哩  
幹(二合)答塔葛達赫哩(二合)達耶阿牒瑟吒(二合)拿阿牒瑟吒(二合)諦  
唵木得哩(二合)木得哩(二合)馬曷木得哩(二合)馬曷木特囉(二合)蠻特  
囉(二合)叭諦莎訶

唵答哩當莎訶

唵答哩突答哩都哩莎訶

捺謨囉特捺(二合)特囉(二合)牙耶捺麻阿哩(二合)耶阿幹魯結諦杓囉耶  
菩提薩埵耶馬曷薩埵耶馬曷葛嚕聶葛耶答的牙(二合)塔唵答哩突答  
哩都哩馬麻格哩(二合)諦薩哩幹(二合)突瑟吒(二合)卜囉(二合)突瑟吒  
(二合)喃[笞- 刀+无](精甘切下同)發耶[笞- 刀+无]發耶斯擔(二合)發耶  
斯擔(二合)發耶謨曷耶謨曷耶班塔耶班塔耶吽吽發吒(二合)發吒(二合)  
薩哩幹(二合)突瑟吒(二合)喃斯擔(二合)發尼答哩耶莎訶

唵必沙疾巴兒捺(二合)沙斡哩薩哩斡(二合)租辣麻囉卜囉(二合)沙麻拿  
尼吽發吒(二合)唵必沙節巴兒拿(二合)沙斡哩必沙馬盧節巴沙馬盧節  
薩哩斡(二合)馬盧節唵吽發吒(二合)莎訶

爾時觀世音菩薩。即從座起頂禮佛足而白佛言。世尊。我於恒河沙  
劫聞佛真言。從三慧入圓通。今復聞如是勝義。願因佛旨以拔濟眾  
生。有能誦是經及神呪者。吾即護持令彼成就。佛言。善哉善哉。  
觀世音菩薩即說六字大明神呪及大陀羅尼神呪曰。

唵嘛呢叭彌吽

捺謨囉得捺(二合)得囉(二合)牙耶捺謨阿哩耶(二合)啞斡盧結諦說囉耶  
菩提薩埵耶馬曷薩埵耶馬曷葛嚕聶葛耶答的牙(二合)塔唵薩哩斡(二  
合)板塔捺妻達捺葛囉耶薩哩斡(二合)巴鉢薩麼度嚕(二合)束攝捺葛囉  
耶薩哩斡(二合)月提不囉(二合)攝麻捺葛囉耶薩哩微(二合)丟巴特囉  
(二合)斡月捺攝捺葛囉耶薩哩斡(二合)杷宜熟得囉(二合)捺耶怛薛捺麻  
思格哩(二合)擔伊擔啞唎耶啞斡嚕結諦說囉怛斡尼辣竿剎捺麻赫哩  
(二合)達巖啞斡哩怛葉沙咩薩哩斡(二合)啞哩塔(二合)薩塔捺束婆齋怛  
捺薩哩斡(二合)薩埵喃巴鉢麻囉葛(二合)月束塔葛怛的牙(二合)塔啞斡  
魯吉魯葛麻豐魯葛葛豐夷奚歇馬曷菩提薩埵兮菩提薩埵兮馬曷菩提  
薩埵兮不哩耶(二合)菩提薩埵兮葛嚕聶葛思麻囉赫哩(二合)達巖夷奚  
歇啞哩耶(二合)啞斡嚕結諦說囉巴囉麻埋得哩(二合)即怛葛嚕聶葛孤  
嚕孤嚕葛哩麻(二合)薩塔耶薩塔耶微玷諦奚諦奚彌啞囊葛莽葛末月  
航葛末馬曷悉塔由吉說囉哆和哆和微哩顏(二合)諦馬曷微哩顏(二合)  
諦塔囉塔囉塔囉禰說囉[友- 又+((套- 大)- 云)](即戈切下同)辣[友- 又+  
((套- 大)- 云)]辣月麻辣麻辣謨哩諦(二合)啞哩耶啞斡嚕結諦說囉格  
哩(二合)室捺(二合)唧捺拶笱麻孤笱啞郎格哩(二合)怛攝哩囉嵐鉢不囉  
(二合)嵐鉢月嵐鉢馬曷席塔熟塔塔囉巴辣巴辣馬曷巴辣麻辣麻辣馬

曷麻辣[友- 又+((套- 大)- 云)](即戈切下同)辣[友- 又+((套- 大)- 云)]  
辣馬曷[友- 又+((套- 大)- 云)]辣格哩(二合)室捺(二合)巴克徹(二合)格  
哩(二合)室捺(二合)幹哩捺格哩(二合)室捺(二合)巴賒聶哩渴怛捺兮巴  
特麻(二合)曷思達(二合)拶耶葛囉聶攝拶哩說囉格哩(二合)室捺(二合)  
薩哩巴格哩(二合)怛拽[生- 土+(聿- 干)](寧幽切)巴微怛夷奚歇嘑囉曷  
目渴得哩(二合)逋囉達曷尼說囉捺囉耶捺巴辣嚕鉢微攝塔哩兮尼辣  
竿剎兮馬曷曷辣曷辣月攝聶哩(二合)唧怛盧葛薛囉葛月攝捺攝捺堆  
攝月攝捺攝捺謨曷月攝捺攝捺聶哩木克徹(二合)捺和羅和羅門拶門  
拶摩和羅摩和羅曷辣曷辣馬曷巴特麻(二合)捺潑薩囉薩囉席哩席哩  
蘇噓蘇噓勃鋏勃鋏勃塔耶勃塔耶勃塔牙咩怛幹尼辣竿剎夷奚歇尼辣  
竿剎夷奚歇嘑麻思貼(二合)怛星曷摩渴曷薩曷薩門拶門拶馬曷筍筍  
曷薩聶哩捺爹尼夷奚歇蒲蒲馬曷悉塔由吉說囉班塔班塔嘑咱薩塔耶  
薩塔耶月玷思麻(二合)囉思麻(二合)囉端唵(二合)兮杷葛彎魯葛月魯葛  
思端唵(二合)怛塔葛達怛達歇彌怛哩賒(二合)喃不囉(二合)薩塔耶彌莎  
曷席塔耶莎曷馬曷席塔耶莎曷席塔由吉說囉耶莎曷尼辣竿剎耶莎曷  
嘑囉曷目渴耶莎曷星曷目渴耶莎曷馬曷捺囉星曷目渴耶莎曷席塔月  
疊塔囉耶莎曷巴特麻(二合)曷思怛(二合)耶莎曷馬曷巴特麻(二合)曷思  
怛(二合)耶莎曷幹資囉(二合)曷思怛(二合)耶莎曷馬曷幹資囉(二合)曷  
思怛(二合)耶莎曷格哩(二合)室捺(二合)薩哩巴(二合)格哩(二合)怛拽  
[生- 土+(聿- 干)](寧幽切)巴微怛耶莎曷馬曷葛辣麻孤筍塔囉耶莎曷  
拶格囉(二合)由塔塔囉耶莎曷商渴攝鉢達(二合)聶哩捺怛捺葛囉耶莎  
曷補塔捺葛囉耶莎曷嘑麻思竿(二合)塔低攝思鋏(二合)怛格哩(二合)室  
捺(二合)唧捺耶莎曷嘑麻曷思怛(二合)月克羅(二合)拶哩麻(二合)聶幹  
薩捺耶莎曷盧吉說囉耶莎曷馬曷盧吉說囉耶莎曷薩哩幹(二合)席提  
說囉耶莎曷囉克徹(二合)囉克徹(二合)[牟\*含](謨含切)莎曷孤嚕孤嚕  
囉克徹(二合)謨哩諦(二合)喃莎曷捺謨癸葛幹諦阿哩耶(二合)啞幹盧結

諦說囉耶菩提薩埵耶馬曷薩埵耶馬曷葛嚕尼葛耶席田都彌滿特囉(二合)巴達尼莎曷

爾時文殊師利菩薩。亦從座起頂禮佛足而白佛言。世尊。我最初成道聞是勝義及神呪。承佛威旨廣度眾生而得成就。即說呪曰。

唵幹吉杓囉蒙(合口誦)

捺謨蠻租釋哩(二合)孤麻囉蒲答耶菩提薩埵耶馬曷薩埵耶馬曷葛嚕  
聶葛耶答的牙(二合)塔唵啞囉接月囉接述鍤月述鍤杓塔尼月杓塔尼  
杓塔耶月杓塔耶啞麻列月麻列你兒(二合)麻列拶耶幹哩拶耶呬曷尼  
噓噓呬黎吽吽吽發吒(二合)發吒(二合)發吒(二合)莎曷

爾時金剛手菩薩。即從座起頂禮佛足右繞三匝而白佛言。大悲世尊。廣為諸眾生開發蒙昧宣揚妙旨。作大方便闡祕密藏。是最上了義大乘。我等幸承慈誨。受持是經及神呪。惟願覺悟一切有情及諸末世一切眾生。永斷疑悔得成正覺。即說呪曰。

唵幹資囉(二合)叭呢吽

唵幹資囉(二合)[口/(午-干+尢)/貝](則干切)筍馬曷噓[煞-(烈-列)+山](音煞)拿吽吽吽發吒(二合)發吒(二合)發吒(二合)

爾時摩利支天菩薩。即從座起頂禮佛足右繞三匝。而白佛言。大悲世尊。我於如來得大神通自在力。常行日月天前所不能見我則能見。無人能見無人能知。無人能執無人能縛。無人能害無人能欺誑。若復有人常憶念者應亦如是。願常於恐怖苦難之處護諸有情。若盜賊水火刀兵毒藥疾病饑饉天龍鬼神人及非人冤家惡獸不令為害。若一切眾生有能持誦此經及神呪者。我當守護令其成就。永無災障遠離諸難。身垢清淨速證聖果。即說陀羅尼曰。

唵馬哩唧茫莎曷

答的牙(二合)塔唵巴答葛囉(二合)麻[卜 / 中](音斜下同)叭囉葛囉(二合)  
麻[卜 / 中]烏達耶麻[卜 / 中]尼囉麻[卜 / 中]阿囉葛(二合)麻[卜 / 中]  
嘛囉葛(二合)麻[卜 / 中]烏囉麻(二合)麻[卜 / 中]斡捺麻[卜 / 中]孤勒麻  
(二合)麻[卜 / 中]即斡囉麻[卜 / 中]麻曷即斡囉麻[卜 / 中]安怛囉塔(二  
合)捺麻[卜 / 中]莎曷捺謨囉特捺(二合)特囉(二合)牙耶答的牙(二合)塔  
唵阿盧答盧葛盧薩特捺(二合)盧三卜囉(二合)母爾塔(二合)得(舌抵嚶)  
囉革叉(二合)囉革叉(二合)[牟\*含](莫含切)薩哩斡(二合)薩多彎(二合)瑟  
哲(二合)薩哩斡(二合)發由叭特囉(二合)微匹牙(二合)莎曷捺謨囉特捺  
(二合)特囉(二合)牙耶答的牙(二合)塔唵斡特答(二合)列斡答列斡囉列  
斡囉曷目伽薩哩斡(二合)篤瑟吒(二合)卜囉(二合)篤瑟吒(二合)喃葛耶  
斡格節(二合)答撈川唵(二合)賒班塔班塔[笞-刀+无](精甘切下同)發  
[笞-刀+无]發斯耽(二合)發斯耽(二合)發吽吽發吒(二合)莎曷唵馬哩唧  
厓(二合)莎曷唵斡囉列斡答列斡特答(二合)列斡囉曷目伽薩哩斡(二合)  
篤瑟吒(二合)卜囉(二合)篤瑟吒(二合)喃葛耶斡格節(二合)答目堪班塔  
耶班塔耶[笞-刀+无](精甘切下同)發耶[笞-刀+无]發耶斯耽(二合)發耶  
斯耽(二合)發耶謨曷耶謨曷耶攀撈耶攀撈耶達兒撈(二合)耶達兒撈(二  
合)耶赫哩臨(二合)赫哩臨(三合)吽吽發吒(二合)發吒(二合)莎曷唵馬哩  
唧厓(二合)馬曷馬哩唧厓(二合)薩囉薩囉阿巴薩囉阿巴薩囉卜囉(二合)  
薩囉卜囉(二合)薩囉目歇目歇月目歇月目歇阿鉢葛囉(二合)麻耶阿鉢  
葛囉(二合)麻耶薩哩斡(二合)篤瑟吒(二合)薩多彎(二合)叭提兀忒(二合)  
叭提薩哩斡(二合)月克難(二合)月那耶甘阿鉢薩囉(彈舌誦)哆阿鋏瑟  
[占\*戔](支安切)哆囉特捺(二合)特囉(二合)耶薩的捺莎曷唵[无/貝](則  
干切下同)遣(之依切下同)巴囉麻[口/(午-干+尤)/貝]遣莎曷唵阿葛列  
巴葛列把瑟哲(二合)葛列薩哩斡(二合)篤瑟吒(二合)卜囉(二合)篤瑟吒

(二合)喃葛耶幹格節(二合)答目堪拶川唵(二合)賒班塔班塔吽吽吽發吒  
(二合)發吒(二合)發吒(二合)莎曷

爾時舍利弗。聞佛說是經義神呪。及諸菩薩各說神呪贊揚佛道。舍利弗合掌恭敬白佛言。若徧滿十方恒河沙世界。持誦此經及神呪者得福多不。佛告舍利弗。若恒河沙世界諸有學。欲進修正覺妙明自性斷緣空諦。一聞勝義諸漏盡。若善男子善女人。比丘比丘尼。優婆塞優婆夷。精心好道堅持戒律。誦是第一希有大功德經及神呪即得成就。若有眾生罹諸苦難及諸煩惱冤業宿障。即得罪惡消除災障潛釋安隱快樂。若遇水火盜賊。水不能溺火不能燒。黑風大海盜賊兵戈。虎狼蛇蟲魘蠱毒藥呪詛俱不能害。若復有人。書寫此經及神呪受持佩誦。以華香纓絡幢旛繒蓋眾樂燈燭起塔造寺種種供養。於末劫中開示未學勝於七寶布施。九世先靈咸獲超度。一切幽魂滯魄十種異類竝得超生。已獲福德無量無邊。若無嗣續生智慧男子。如性癡愚即成大辯才生一切種智。壽命不永即得延生。復得身榮家盛不犯刑憲。其有貪欲恚癡不實妄想塵勞所汙悉得清淨。永不墮無間地獄受諸輪迴苦趣。若有人持誦是經及神呪。三千大千世界光明圓滿合成一界。其有墮諸鑊湯洋銅鍊城刀山劔樹斧鉞鎗鋸黑闇寒冰。種種地獄悉皆破壞。咸際光明即得超脫。一切火蛇火狗馬頭羅剎自相遠離。若有人發千百億善念。誦此經及神呪。我即千百億化身。令彼不惑外道皆成佛果。若善男子善女人持誦此經一句一偈及一神呪。所獲福德無量。當知是人非於一佛二佛種諸善根。如是乃至盡百千萬億那由他一切佛所。種諸福慧故聞此經教。爾時舍利弗聞佛說是經功德不可思議。即頂禮恭敬而說偈曰。

如來大興慈愍心	示我第一希有義
廣大勝妙不思議	是故覺悟一切人
充周法界等河沙	惟是密因最上品
無量功德不可說	不可說轉受佛恩
大雄威力大神通	要令種種成佛道
眾生聞者隨所願	有所得者由善根

我今頂禮妙覺尊 永斷無明諸惑業  
誓願將身於歷劫 護持法藏顯真如

佛說是經已。妙法圓音徧十方界。即時天雨百寶妙華。五色紛糝徧滿十方虛空。十方微塵刹土皆成寶色。盡世界所未有異品妙香馥郁凝聚。河沙佛國悉皆熏聞。諸大菩薩摩訶薩。及諸無漏大阿羅漢。一切世間天人阿脩羅。皆踊躍歡喜信受奉行。

大明仁孝皇后夢感佛說第一希有大功德經卷下(終)

### No. 10-B 大明仁孝皇后夢感佛說第一希有大功德經後序

蓋聞盛治之世至寶不祕而真文顯宣。大道遙彰而嘉徵滋著。伏覩我母后仁孝皇后。夢感第一希有大功德經。神妙難名義理昭著。貫徹三乘總持萬法。充之則周徧法界。斂之則芥納須彌。顯祕藏之玄微。發菩提之奧義。語其理則邃深莫測。語其功則甚博而弘。蓋歷世以來論空典者。未有若是之明且切也。仰惟我母后。聖德純貞備全眾善。悟道出乎天性。慈覺本於生成。故神明協禎夢傳靈祕。以兆至治之盛也。高熾探蹟其旨甚深精微。莫窺其突仰歎無窮母后。親序其事于首。嘗以錢梓廣施於眾。作無量方便以輔相父皇內治之美。豈意無疾一旦坐逝奄忽遐棄。高熾。悲號痛悼體魄震驚。天高地厚慕戀曷已。追惟母后。志願未畢。復書是經重以壽梓。流通中外以惠蒼生。拯苦海之沈淪。啟迷途之昏闇。誠能究極斯旨則解惑結。猶轉凡起正覺如指掌。謹述數語于後。用紀聖神感應之功焉。

永樂五年十一月初六日孝子皇太子高熾泣血頓首謹書

### No. 10-C 大明仁孝皇后夢感佛說第一希有大功德經後序

蓋聞高明者天。列星辰而成文。博厚者地。載川嶽而成理。故天不愛道則至文顯焉。地不愛寶則至理著焉仰惟我母后仁孝皇后。夢陟靈山聞佛真諦。既寤而書。異香盈室七日不散。蓋至文發舒神靈顯

曜。觀漢日之流祥神通之叶夢者信有徵矣。高煦常誦之原。夫妙旨幽微至言簡奧。闢圓明之廣路。開常樂之法門。總三藏之樞機。貫一乘之祕義。語其妙則蕩蕩難名。論其功則巍巍無等。悟之者則欲浪頓息。領之者則魔風倏消。雖盡摩騰之翻羅什之譯。豈足以方於萬一者乎。伏觀母后。贊輔我父皇。內治之暇即間居習靜端謹誦持。豈意厭棄塵勞坐而瞑目。高煦。悲愴痛絕五內戰兢。心志迷眩攀號莫及。追惟母后夢。感佛說第一希有大功德經。嘗親為序刻梓以傳。其功德不可思議。將欲畢於先志必以廣布流通。重書壽梓嘉惠沈淪。登眾生於佛域。歸蕩流於淳源。有能致力於斯探測奧義。則妙證真如理不唐捐矣。

兄皇太子已為序於後。誠不自揆謹題于左云。

永樂五年十一月初六日孝子漢王高煦泣血頓首謹書

#### No. 10-D 大明仁孝皇后夢感佛說第一希有大功德經後序

嘗聞非常之事非常人所能知。非常之語非常人所能聞。故大道必明於治世。至言必顯於聖人。闡神化之玄微剖混沌之靈祕。自非文明會同之時。不能臻茲至盛。洪惟。我母后仁孝皇后。聖德至純慈惠誠敬。相我父皇內治之美。數十餘年之間勤修善道夙夜不懈。曩嘗夢感佛說第一希有大功德經。奧義精深至理簡要。誠菩提最上之法。般若方便之門。求其妙則一字皆原於佛心。語其功則一言可成於正覺。粵歷漢代秦年終莫得以窺其際。雖更馬鳴龍樹亦未能以究其微。蓋神明佑啟我皇家萬世太平之基。故俾玄章煥發。以演不傳之祕用。開累劫之迷途。大示如來之寶印。要使蒸沙惑客轉盼而悟真常。說飯飢夫舉足而超智海。功德無量實為難名。仰惟。我母后。慈惠天下欲廣流通。嘗親為序用以刻梓。使誦之者皆成佛果。豈意夙登妙覺忽證泥洹。高燧撫膺痛哭哀苦曷勝。戰慄哽噎心褫魄散。慨智慧斯頽密因曷曜。津梁未溥夷路復堙。乃重書是經刻梓廣

施。以承我母后嘉惠之心。於乎懸佛日於中天光含大地。爍明珠於性海影燭十方。于以揭三藏之領要。總一乘之妙理。學者於此精契圓融。則心性清淨即超聖趣矣。高燧。固才乏通悟莫造其闡域。

兄皇太子兄漢王皆為序於後。謹述此于末。以抒愚衷焉。

永樂五年十一月初六日孝子趙王高燧泣血頓首謹書

---

## [CBETA 贊助資訊](#)

[.\(https://www.cbeta.org/donation/index.php\)](https://www.cbeta.org/donation/index.php)

自 2001 年 2 月 1 日起，CBETA 帳務由「財團法人西蓮教育基金會」承辦，並成立「財團法人西蓮教育基金會」－ CBETA 專戶，所有捐款至 CBETA 專戶皆為專款專用，歡迎各界捐款贊助。

您的捐款本協會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

---

## 信用卡線上捐款

本線上捐款與聯合信用卡中心合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

## [前往捐款](#)

---

## 信用卡（單次 / 定期定額）捐款

本授權書可提供單次捐款或定期定額捐款之用途。

請於下載並填妥捐款授權書後，請傳真至 02-2383-0649，並請來電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 [授權書](#) (MS Word 格式)

---

## 劃撥捐款

郵政劃撥帳號: 1 9 5 3 8 8 1 1

戶名: 財團法人西蓮教育基金會

欲指定特殊用途者, 請特別註明, 我們會專款專用。

---

## 線上信用卡 / PayPal 捐款

PayPal 是一個跨國線上付款機制的公司, CBETA 引用其服務, 提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜, 由於付款幣別為美元, 我們除了會依您所贊助之美元金額開立收據外, 另我們會依捐款當日公告匯率開立台幣收據, 此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

---

## 支票捐款

支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex- cheques, remittance, etc.,) please entitle to "The Seeland Education Foundation".

---